

**T**uotta not chamina il nanin vegl. El va svelt per rivar aint in Tuoi avant co cha Ambrödel giaja a durmir. Gnanca per mangiar marena nu's ferma'l.

Cur cha la glüna piglia fingià cumgià vezza'l a la fin ils duos piz dal Buin, il piz pitschen ed il piz grond. Uossa sa'l ch'el es bainbod rivà pro'l cuvel dad Ambrödel.

Pavradèl cuorra svelt, adüna pensond cha seis pover Janaiverin es uschè amalà. Minchatant inscuntra'l ün chamuotsch o ün capricorn, uschi glö es la val tuot abandonada.

Cur ch'el craja fingià da na plü chattar il cuvel dad Ambrödel, chi's nomna eir il Vegl da las Urezzas, vezza'l sü suot il vadret ad ün homin cun ün büschmaint grisch, chapütscha agüzza ed üna barba lunga lunga. Our dad üna püppa d'argient as stortiglia füm ed in man tegna'l üna crotscha chi para be üna ragisch veglia.

Ils ögls da Pavradèl glüschan: Tantüna ha'l chattà a l'homin sabi.

**D**ie ganze Nacht hindurch wandert der alte Zwerg. Er beeilt sich, um ins Val Tuoi zu kommen, bevor es Morgen wird und Ambrödel schlafen geht. Nicht einmal um etwas zu essen, hält er an. Die Sorge um seinen armen kranken Janaiverin ist gross.

Manchmal begegnet er einer Gämse oder einem Steinbock, aber ansonsten wirkt das Tal völlig verlassen. Als der Vollmond schon langsam verschwindet, sieht er endlich die beiden Bergspitzen des Piz Buin, die kleine Spitze und die grosse. Jetzt weiss er, dass er bald bei Ambrödels Höhle angelangt ist.

Unterhalb des Gletschers, gut getarnt mitten im Felsgeröll, erblickt Pavradèl einen kleinen Mann mit einem grauen Kleid, einer spitzen Mütze und einem langen, langen Bart. Aus seiner silbernen Pfeife kringelt sich der Rauch und in der Hand hält «Il Vegl da las Urezzas», wie Ambrödel auch genannt wird, einen alten krummen Wurzelstock.

Pavradèls Augen leuchten: Er hat den weisen, heilkundigen Mann endlich gefunden.

